

Canon I. de scopo seu fine: ut omnia dirigantur ad ædificationem ecclesiæ *v. 26.*
Canon II. de dono linguarum, ne omnes vel plures simul, sed duo vel tres verba faciant, unus autem interpretetur. *vers. 27. 28.*
Canon III. de ordine prophetandi, ne omnes simul, sed duo vel tres ad prophetandum assurgant, *ver. 29.*
Canon IV. Ut prophetæ alij aliis cedant prophetando. *vers. 30.* Huius quatuor affert rationes, quæ videantur in expli-

atione. vers. 31. 32. 33. *Canon V.* Mulieribus in ecclesia loqui fas non esto. *vers. 34.* Ratio additur ex lege, quæ vetat. *Occupatio:* Mulieres discere volentes domi interrogent viros. *vers. 35.* Cohibet responsatores. *vers. 36.* Hortatur ut istam apostoli *ἡ ἀγορεύου* probe perpendant. *vers. 37. 38.* *Conclusio* repetens præceptum de ambitu prophetiæ. *ver. 39.*
Canon VI. Generalis ut omnia decenter & ordine fiant in ecclesia. *vers. 40.*

PRIMA PARS CAPITIS.

Collatio prophetiæ & linguarum.

- 1 *Sectamini charitatem, ambite spiritualia; magis tamen ut prophetetis.*
- 2 *Nam qui loquitur lingua, non hominibus loquitur: sed Deo. Nullus enim audit: spiritu verò loquitur mysteria.*
- 3 *Qui autem prophetat, hominibus loquitur adificationem, & exhortationem, & consolationem.*
- 4 *Qui loquitur linguâ, seipsum adificat: qui verò prophetat: ecclesiam adificat.*
- 5 *Velim autem omnes vos loqui linguis: magis tamen ut prophetetis. Major enim est, qui prophetat, quam qui loquitur linguis: excepto, si interpretetur: ut ecclesia adificationem accipiat.*
- 6 *Quòd si nunc, fratres, veniam ad vos linguis loquens, quid vos juvabo? nisi vobis loquar aut ex revelatione, aut ex notitia, vel prophetando, vel docendo?*
- 7 *Atque inanima quæ sonum edunt, & tibia, & cithara, nisi distinctionem tonis dederint, quomodo cognoscetur: quòd tibia canitur, aut cithara?*
- 8 *Etenim si incertum sonum tuba dederit, quis apparabitur ad bellum?*
- 9 *Ita & vos: nisi per linguam bene significantem sermonem edideritis, quomodo cognoscetur, quòd dicitur? Eritis enim in aëre loquentes.*
- 10 *Tot, prout incidit, genera vocum sunt in mundo, & nihil est mutuum.*
- 11 *Nisi igitur sciero vim vocis: ero ei, qui loquitur, barbarus: &, qui loquitur, apud me barbarus fuerit.*
- 12 *Ita & vos, quandoquidem studiosi estis spirituum ad adificationem ecclesiæ, querite, ut excellatis.*
- 13 *Quapropter qui loquitur linguâ, precetur, ut interpretetur.*

14 *Nam*